

唐
音
統
籤

辛籤十六章咒之四

唐音統籤卷

九百十八

金錄齋儀章咒

同黃錄者不載

五方真文

東方九炁始皇青天碧霞鬱壘中有老人總校圖
錄攝氣舉仙

南方丹天赤帝玉堂中有大神號曰赤皇上炎流
煙三炁勃光神仙受命應運太陽

西方素天白帝七門金灵皓映太華流氣白石
七炁氤氲上有始生皇老大神總領肺氣主校

九天檢定圖錄制召上仙

北方玄天五炁徘徊中有黑帝双皇太微總領符
命仙鍊八威青裾羽襪龍文鳳衣上帝所奉制到
玉階

中央總炁星上天元始生五老中黃高尊攝炁監
真總領羣仙與錄玄圖宿簡玉文催運輔炁普告
萬神

五方頌

九炁青天明星大神煥照東鄉洞映九門轉燭陽
光掃穢除氛開明童子備衛我軒收魔束妖上對
帝君奉承正道赤書玉文九天符命攝龍驛傳普

天安鎮我得飛仙

南方丹天三炁流光熒星轉燭洞照太陽上有赤
精開明灵童總御火兵備守三宮斬邪束妖剪截
魔光北帝所承鋒火八衝流鈴交換敢有不從正
道流行我享上功保天安鎮億劫無終

元炁之天太白流精光耀金門洞照太冥中有赤
皇號曰帝灵保神安鎮衛我身形斷絕邪源王道
正明宮殿整肅三景齊并道合自然飛奔紫庭灵
寶玉字溥惠萬生功加一切天地咸寧

北方玄天五炁徘徊北辰皇煥爛光耀太微黑靈尊

神飛仙羽衣脩守五門檢精捕非敢有干試豁落
斬握玉符所告神真八威邪門閉塞正道明開映
照我身三光洞輝策空駕景攀形仙飛

黃中理炁總統玄真鎮星吐輝流煥九天開明童
子一十二人元炁陽精炎上朱烟洞照天下及臣
等身百邪摧落攝鬼萬千中山神咒溥天自然五
炁安鎮身飛上仙

下靜吟二首

大道門高不易登如今且與接中乘若知元始懸
珠意碧落浮黎自此升

十部飛天松玉京齋科傳世自三真丁寧為我弘
斯道即是淨得度人

傳授經籙儀讚頌

亦杜光庭撰

通玄讚八首

至道常虛寂玄化應真精分神通一切凝景在三
清恍惚生有象冲冥見無形逐運開緣會因機說
妙經修之登景漢慢之墮幽因天女散金華神童
唱玉聲千華迴寶蓋元鳳過雲營若能弘至蹟家
國悉安寧

五億諸天界三千道境中是非更有待生死互無

窮妄起貪瞋獄虛成殺害宮謬言人我異安知彼
此同六骸俱不實萬法悉歸空體隨煩惱盡心與
色塵終未能求解脫常只處樊籠若欲常自在稽
首至道宗

天堂與地獄凡夫及聖人悉從方寸起非復有餘
因悟則聰明友迷為愚瞽鄰苦魂猶有識罪魄亦
含神何為沈惱難良由不信真乘此身上寶樂彼
世間塵既依流浪海還没眾生津若欲度此苦安
坐自觀身

善哉元始尊慈悲度一切德出虛空表功滿塵沙

界廣說大乘經發生無上慧輪迴周億劫教化通
三世精貫有形中妙窮無色際迹遍方域道應
天上帝權實度天人機緣隨巨細神用難可窮方
圓無不制

罪福猶鏡象生死若輪迴但觀明裏去誰識暗中
來未慕三天闕唯愁五苦臺罪竟隨運盡幽魄應
緣開精氣空浮爽形骸久化灰且耳為鬼質誰念
入仙胎徒願青書錄終悲黑簿催法輪難再覩長
夜足堪哀

我身良可惜宜各修生道孰云白玉芝多時黃金

草結志行六度專心樂三寶白元來降接赤子常
携把朽年慙晚季壯歲須及早知足自逍遙貪榮
更憂惱坐觀環堵大靜覺乾坤小守一若無移終
天豈云老

三千分世界五億化諸天一開淨域方上有勝
緣九光生院草七寶滿池蓮行館排朱日飛臺映
紫泉燒香皆玉女說法盡神仙梵引九嘯鳳鱸飄
五色烟稽手虛皇闕歌詠太平前慎莫忽宿命當
須信福田

道化三元布神凝萬象分龍漢開玄籙天書下赤

渾應期鏗法鼓隨方啟妙門太上垂慈贖威德被
乾坤神經三一侍妙理五千文字列金華府名傳
玉帝君心中生寶日身上起羅雲十仙何足友載
劫乃長存

授經讚一首

飄飄太虛嶺流景在上玄經始無終劫常保天地
人國主李理世道士誦得仙賢者今奉受依法以
相傳時無至德子保祕不妄宣宗之昇太清棄之
墮九泉我說無為道冲寂得自然

光明讚一首

立功須及早孝道亦當時晝夜宜勤苦發意莫狐
疑燒香常禮拜誦經恒奉師勇猛加精進專誠無
想思四等將六度三乘典五雌洗塵入空寂虛心
將自持唯期不轉退豈為人所嗤若能如是者朝
夕自仙飛

真人讚六首

太道雖無心可以有情求佇駕空洞中迴盼翳滄
流淨明三界外蕭々玉京遊自無玄挺運誰能悟
冥趣落々天漢澄俯仰即虛柔七玄散幽夜返胎
順沈浮冥期苟潛凝陽九無虞憂覩此去來會時

復為淹留外身而身存真仙會良儔

鹽上玄中趣湛上清漢波代謝若旋環椿木不改
柯靜心念至真隨運順離羅感應理常通神適遠
自徂澹遊初無際繁想洞九遐飛根散玄葉理返
非有他常能誦玉章玄音徹霄霞甲申洪災至控
翮王母家永享無終紀豈知年劫多

玄都七寶林十莖並彌羅紫烟冠灵暉雲京秀玉
阿上有福德堂宮室互參差皆是清信士真仙飛
天家三界通玄路五道清不邪善緣應根生累功
享福多牽對相尋續太法諒不虛無有萬年人皆

與劫罔徂依已歡樂世發言成詠歌此世歡無極
當柰來運何

八觀因緣門罪福從中生時見有心者思悟感天
灵吾今為是故開說真妙經如從經中言憶劫皆
受榮習道行勸戒以經度我形思念宿畀根洗拔
先身嬰超越過三羅八難於是冥

魂返入定質神操從是榮滅度如蜺胞曠即觀八
清轉輪得神仙由我改心精受報無窮量志定入
福庭七十二相好皆從身中明項負七寶光照耀
諸天形雲迅八景與風迴匡緣輯昇入玄門期

樂上未央

妙通轉我神弘普無量功道成天地初輪化發九重滅度歷生厄緣對各有宗孰悟去來苦形魂無始終積善隆福基身拔五難鋒脫離三惡道蕭々入閑堂念度無邊境思定感神通法輪三度迴輔我高仙功迴我大椿步飄昇太極宮

辛籤十七偈頌之一 諸祖 唐音統籤卷十九百六

唐禪初說法韻語亦詩之流今除散在篇話中
者不錄外錄其明以偈頌標者自四五六祖訖
五宗諸嗣以及他名釋各偈舉籤詩之全其初
二三祖雖出杜朝什法偈時分行冠卷首著開
承之有自焉胡應麟云唐之禪教自六祖卓
錫曹溪一傳而為五宗至五季雲門法眼遷化自後
南又分而為五宗此其盛衰乃與唐終始而唐
禪學相承不立宗此其盛衰乃與唐終始而唐
之天下亦分而為五代以
終若合符節迺爾異哉
吾本來茲土傳法救迷情一花開五葉結果自然
成

三祖慧可付僧璨法偈
本來緣有地回地種華生本來無有種華亦不曾
生

三祖僧璨付道信法偈

華種雖因地從地種華生若無人下種華地盡無

四祖道信付弘忍法偈祖姓司馬氏潁州廣

席六十年武德初往破頭山學侶雲臻後
太宗徵詔不赴永徽中圓寂代宗謚大醫

禪師

華種有生性曰地華生生大緣興性合當生生不

五祖弘忍付慧能法偈

黃梅周氏女無夫而
生嗣化於破頭山謚

大滿
禪師

有情來下種因地果還生無情既無種無性亦無

六祖慧能偈頌十九首

有附祖姓盧氏南海新州人咸寧初以

白衣得法儀鳳初剃梁居曹溪室林盛化南劍新韶間中宗再召不赴元和中謚大

師

祖初叅五祖五祖知是異人訶著碓坊作務經八月五祖知付授時至今眾各隨意迷偈時上座神秀為衆所宗仰於廊壁書偈云

身是菩提樹心如明鏡臺時時常拂拭莫遣有塵

埃五祖云後代依此修行亦得勝果

和神秀偈祖矜前後見以為未了和偈云

菩提本非樹明鏡亦非臺本來無一物何處惹塵

埃五祖伴云亦未見性夜半留傳衣法

為韋刺史說般若頌

韋都州名據

說通及心通如日處虛空唯傳見性法出世破邪
宗法即無頓漸迷悟有遲疾只此見性門愚人
可悉說即雖萬般合理還歸一煩惱闇宅中常須
生慧日邪來煩惱至正來煩惱除邪正俱不用清
淨至無餘菩提本自性起心即是妄淨心在妄中
但正無三障世人若修道一切盡不妨當自見已
過與道即相當色類自有道各不相妨惱離道別
覓道終身不見道波々度一生到頭還自懊欲得
見真道行正即景道自若無道心門行不見道若

真修道人不見世間過若見他人非自非卻是左
他非我不非我非自有過但自卻非心打除煩惱
破憎愛不關心長伸兩脚卧欲擬化他人自須有
方便勿令彼有疑即是自性現佛法在世間不離
世間覺離世覓菩提恰如求兔角正見名出世邪
見是世間邪正盡打卻菩提性宛然此頌是頓教
亦名大法船迷聞經裏却悟則刹那間

又說淨土頌

心平何勞時戒行直何用修禪思則孝養父母義
則上下相憐讓則尊卑和睦忍則衆惡無諠若能

鑽木出火淤泥定生紅蓮苦口的是良藥逆耳必
是忠言改過必生智慧護短心內非賢日用常行
饒益成道非由施踐菩提只向心覓何勞向外求
玄聰說依此修行西方只在目前

無相懺悔頌

迷人修福不修道只言修福便是道布施供養福
無邊心中三惡元來造擬將修福欲滅罪後世得
福罪還在但向心中除罪緣名自性中真懺悔忽
悟大乘真懺悔除邪行正即無罪學道常於自性
觀即與諸佛同一類吾祖祖傳此頓法普願見性

同一體若欲當來覓法身離諸法相心中洗努力
自見莫悠々後念忽絕一世休若悟大乘得見性
虔恭合掌至心求

示法海即心即佛偈

海曲江人

即心名慧即佛乃定定慧等持意中清淨悟此法
門由汝習性用本無生復修是正

法海言下頓悟以偈讚云

即心元是佛不悟而自屈我知定慧因復修離諸
物

訶法達偈

達洪州人礼祖頭不至地祖曰汝心中必有一物蘊習何事耶

連曰誦法華經已及
三千部祖以偈呵曰

禮本折慢幢頭奚不至地有我羅即生七功福無
比

汝今名法達勤誦未休歇空誦但循聲明心號菩
薩汝今有緣故吾今為汝說但信佛無言達華從
口發

示法達轉法華偈

心迷法華轉心悟轉法華誦經久不明與義作違
家無念即正有念成邪有無俱不計長御白
牛車

連聞偈大悟
以偈讚曰

經誦三千部曹溪一句亡未明出世肯寧歇累生
狂羊鹿牛摧設初中後善揚誰知火宅內元是法
中王

示智通楞伽三身四智偈

通安豐人初看

不達三身四智

義啓請有示

自性具三身發明成四智不離見聞緣超然登佛
地吾今為汝說諦信永無迷莫學馳求者終日說
菩提

大圓鏡智性清淨平等性智心無病妙觀察智見

非功成所作智同圓鏡五八六七果因轉但用名言無實性若於轉處不留情繫與永處那伽定

通顯悟性
智呈偈曰

三身元我體四智本心明身智融無礙應物任隨形起修皆妄動守徑匪真精妙旨因師曉終已染汙名

示智常破知見偈
常貴漢人謂祖云蒙大
無一物可見名正見無一物可知名真
知祖曰彼師所說尤存見知示偈云

不見一法存無見大似浮雲遮日面不知一法守空知還如太虛生閃電此之知見瞥然興錯認何

曾解方便汝當一念自知非自己靈光常顯現

常言下心意
諸然速得曰

無端起知見著相求菩提情存一念悟寧越皆時
迷自性覺源體隨照枉遷流不入祖師室茫然趣
兩頭

答志道涅槃大意偈

道南
西人

無上大涅槃圓明常寂照凡愚謂之此外道執為
斷諸求二乘人目以為無作盡屬情所計六十二
見本妄立虛假名何為真實義惟有過景人通達
無取捨以知五蘊法及以蘊中我外現衆色象一

一音聲相平等如夢幻不起凡聖見不作涅槃解
二邊三際斷常因諸根用而不起用想分別一切
法不起分別想劫火燒海底風鼓山相擊真常寂
滅樂涅槃相如是吾今彊言說令汝捨邪見汝勿
隨言解許汝知少分

答神會六問

會年十四為沙彌給侍祖受
記向後成箇知解宗徒即荷

譯大師

是也

第一

問

戒定慧如何所用戒何物定從何處修慧從何處
起所見不通

祖答
曰

慧常生於定定常生於心性中常慧照自見自知
深

第二
問

本無今有有何物本有今無無何物誦經不見有
無義真似騎驢更覓驢

祖答
曰

前念惡業本無後念善生今有念上常行善行後
代人天不久汝今正聽吾言吾即本無今有

第三
問

將生滅却滅將滅却生不了生滅義所見似聲
育

祖答
曰

將生滅却滅令人不執性將滅却生令人心離
境未却離二邊自除生滅病

第四
問

先頓而後漸先漸而後頓不悟頓漸人心裏常迷
悶

祖答
曰

聽法頓中漸悟法漸中頓修行頓中漸證果漸中

頓頓漸是常因悟中不迷問

第五問

先慧後定先定後慧定慧初後何生為正

祖答曰

常生清淨心定中而有慧於境上無心慧中而有定慧等無先雙修自心正

第六問

先佛而後法先法而後佛慧法本根源起從何處出

祖答

說即先佛而後法聰即先法而後佛若論佛法本

根源一切衆生心裏出

有僧舉卧輪
禪師偈曰

卧輪有伎倆能斷百思想對境心不起菩提日

長

卧輪未詳非
名即住處也

祖曰此偈未明心地若依而
行之是加繫縛因示偈曰

慧能沒伎倆不斷百思想對境心數起菩提作麼

長

神秀遺門人志誠聽法祖問誠汝師若為
示衆誠曰誦大衆住心靜觀長坐不卧祖
曰

生來坐不卧臥去卧不坐一旦臭骨頭何為立功課

祖曰汝師示學人戒定慧法如何誠曰師說諸惡莫作為戒諸善奉行為慧自淨其意為定祖曰吾所見又別聽吾偈曰

心地無非自性戒心地無癡自性慧心地無亂自性定不增不減自金剛身去身來本三昧

志誠聞偈悔謝乃呈一偈相然之曰留執侍誠吉州人偈曰

五蘊幻身幻何究竟迴趣真如法還不淨

光天元年七月一日集徒衆曰吾至八月欲離世間與汝說一偈名曰真假動靜偈依此修行不失宗旨偈曰

一切無有真不以見於真若見於真者是見盡非
真若能自有真離假即心真自心不離假無真何
處真有情即解動無情即不動若修不動行同無
情不動若覓真不動口上有不動不動是不動無
情無佛種能善分別相第一義不動但作如此見
即是真如用報諸學道人努力須用意莫於大東
門卻執生死智若言下相應即共論佛義若實不
相應合掌令歡喜此宗本無諍即失道意執逆
諍法門自性入生死

復告徒衆曰吾受恩大師衣法今為汝等
說法不付衣汝等信根淳熟決定不疑堪

任大事
說偈曰

心地含諸種普雨悉皆萌頓悟華情已菩提果自

成祖嗣法弟子甚衆內南嶽懷讓青原行思尤稱

希遷為曹洞雲門法眼是

為五宗符一花五葉之記云

八月三日臨化謂徒衆曰吾今留一偈與

汝等別名自性真佛偈後人識此偈意自

見本心自成

真如自性是真佛邪見三毒見魔王邪迷之時魔

在舍正見之時佛在堂性中邪見三毒生即是魔

王來住舍正見自除三毒心魔變成佛真無假法

身報身及化身三身本來是一身若向性中能自

見即是成佛菩提因本從化身生淨性淨性常在
化身中性使化身行正道當來圓滿真無窮性
本自淨性因除媼即是淨性身性中各自離五欲
見性剎那即是真今生若遇頓教門忽悟自悟見
世尊若欲修行覓作佛不知何處擬求真若能心
中自見真有真即是成佛因不見自性外覓佛起
心總是大癡人頓教法門今已留救度世人須自
修報汝當來學道者不作此見大悠々

復說
偈曰

兀兀不修善騰々不造惡寂々斷見聞蕩々心無

著



辛籤十七偈頌之二四五祖旁唐音統籤卷九百七十

法融偈十三首有附融住牛頭山見人不

觀中四祖就之授以法旨所謂橫出云

一枝佛法者為牛頭山之第一也云

博陵王問王名焯太宗孫

境緣色發時不言緣色起云何得知緣乃欲息其起

師答

境色初發時色境二性空本無知緣者心量興知同照本發非發爾時起自息抱暗生覺緣心時緣不逐至如未生前色心非養育從空本無念想受

言念生起法未曾起豈用佛教令

王問

閉目不見色境慮乃便多色既不關心境從何處發

師答

閉目不見色內心動慮多幻識假成用起名終不遇知色不關心心亦不關人隨行有相轉爲去空中真

王問

境發無處所緣覺了知生境謝覺還轉覺乃變爲

境若以心喪心還為覺所覺從之隨々去不離坐
滅際

師答

色心前後中實無緣起境一念自凝忘誰能計動
靜此知自無知々知緣不會當自檢本形何須求
域外前境不變謝後念不來今求月軌圓影計迹
逐飛禽欲知心本性還如視夢裏譬之六月冰處
處皆相似避空終不脫求空復不成借問鏡中像
心從何處生

王問

恰、用心時若為安隱好

師答

恰恰用心時恰、無心用曲譚名相勞直說無繫
重無心恰、用常用恰、無今說無心處不與有
心殊

王問

知者引妙言與心相會當言與心路別合則萬倍
乖

師答

方便說妙言破病大東道非關本性譚還從空化

造無念為真常終當絕心路離念性不動生滅無
乖悞谷響既有聲鏡像能回顧

王問

行者體境有因覺知境亡前覺及後覺并境有三
心

師答

境用非體覺亡罷不應思因覺知境亡覺時境不
起前覺及後覺并境有三遲

王問

住定俱不轉將為正三昧諸業不能牽不知細無

明徐曰躡其後

師答

復聞別有人虛執起心量三中事不成不轉還虛
妄心為正受縛為之淨業障心塵萬分一不乃說
無明細習因起徐曰名相生感來波浪轉欲靜
水還平更欲前途說恐後心驚畏無念大猷吼性
空下霜電星散穢草摧縱橫飛鳥落五道定紛綸
四魔不前却既如猛火燈還如利劍斫

王問

賴覺知萬法萬法本求然若假照用心只得照用

心不應心裏事

師答

賴覺知萬法萬法終無賴若假照用心應不在心
外

王問

隨上無簡擇明心不現前復慮心闇昧在心用功
行智障復難除

師答

有此不可有尋此不可尋無簡即真擇得闇出明
心慮者心冥昧存心託功行何論智障難至佛方

為病

王問

折中消息間實亦難安帖自非用行人此難終難見

師答

折中欲消息消息非難易先觀心處心次推智中智第三照推者第四通無記第五解脫若第六等真偽第七知法本第八慈無為第九徧空陰第十雲雨被最盡彼無覺無明生本智鏡像現三業幻人化四衢不住空邊盡當照有中無不出空有內

未將空有俱就之名折中折中非言說安帖無處
安用行何能決

王問

別有一種人善解空無相口言定亂一復道有中
無同證用常寂知覺寂常用心會真理復言用
無用知慧方便多言辭與理合如如理自如不由
識心會既知心會非心心復相泯如是難知法永
劫不能知同此用心人法所不能化

師答

別有證空者還如前偈論行空守寂滅識見暫時

翻會真是心量終知未了原又說息心用多智疑
相似良由性不明求空且勞已永劫住幽識抱相
都不知放光便動他於彼欲何為

王問

前件着心者復有羅穀難

師答

着心有羅穀幻心何待着况無幻心者從容下口
難

王問

久有大基業心路差互間得覺微細障即達於真

際自非善巧師無能決此理仰惟我大師當為開
要門引導用心者不令失正道

師答

法性本基業夢境成差互實相微細身色心當不
悟忽逢混沌士哀怨憫羣生訖疑廣設問抱理內
常明生死幽徑徹毀譽心不驚野老顯分答法相
愧來儀蒙發群生藥還如色性為

智威示慧忠偈

威牛頭之第五世忠其法嗣
也在開元大曆間 威知忠

為法器嘗有
偈示之曰

莫繫念念成生死河輪迴六趣海無見出長波

忠答

念想由來幻性自無終始若得此中意長波當自

止

咸又示

余本性虛無緣妄生人我如何息妄情還歸空處

坐

忠又答

虛無是實體人我何所存妄情不須息即泛般若

船

忠有安心偈曰

人法雙淨善惡兩忘直心真實菩提道場

神秀偈一首

秀為五祖旁出法嗣住江陵當陽山武后中宗朝內道場供養

天寶中定六祖為南宗恒教秀為北宗漸教曹溪述偈兄前卷其示衆偈云

一切佛法自心本有將心外求捨父逃走

騰亡和尚了元歌

和尚名仁儉五祖下嵩嶽安之法嗣也居洛京之祖

先寺放曠却鄆人謂之騰亡和尚武后召見賜賚皆不受進短歌十九首演真理以警時俗此歌尤盛行于世

修道亡無可修問法亡無可問迷人不了色空悟

者本無逆順八萬四千法門至理不離方寸識取

自家城郭莫謾尋他州郡不用廣學多聞不要辨

才聰俊不知月之大小不管歲之餘閏煩惱即是
菩提淨華生於泥糞人來問我若為不能共伊談
論寅朝用粥充饑齋時更餐一頓今日任運騰
明日騰任運心中了了總知且作伴癡癡鈍

辛籤十七偈頌之三

六祖旁出法嗣

唐音統籤卷

九百七十一

玄覺發願文

覺永嘉人精天台止觀圓妙法門嘗詣曹溪六祖七溪許之留

一宿時謂之一宿覺後謚無相大師

稽首圓滿徧知覺寂靜平等本真源相好嚴持非
有無慧明普照微塵剎稽首湛然真妙覺甚深十
二修多羅非文非字非言詮一音隨類皆明了稽
首清淨諸賢聖十方和合應真僧執持禁戒無有
違振錫携瓶利含識卵生胎生及濕化有色無色
想非想非有非無想雜類六道輪迴不暫停我今
稽首歸三室普為衆生發道心群生沉淪苦海中

願曰諸佛法僧力慈悲方便拔諸苦不捨弘願濟
含靈化力自在度無窮恒沙衆生成正覺

證道歌

君不見絕學無爲閑道人
不除妄想不求真無明
實性即佛性幻化空身
即法身法身覺了無一物
本源自性天真佛五陰
浮雲空去來三毒水泡
虛出沒證實相無人法
剎那滅却阿鼻業苦將
妄語誑衆生自招拔舌
塵沙劫頓覺了如來
禪六度萬行體中圓
夢裏明明有六趣覺後
空亡無大千無罪福無
損益寂滅性中莫問覓
北來塵鏡未曾磨

今日分明須剖析誰無念誰無住若實無生無不
生喚取機關木人問求佛施功早晚成放四大莫
把捉寂滅性中隨飲啄諸行無常一切空即是如
來大圖覺決定說求真乘有人不肯任情徹直截
根源佛所印摘葉尋枝我不能摩尼珠人不識如
來藏裏親收得六般神明空不空一顆圓光色非
色淨五眼得五力唯證乃知誰可測鏡裏看形見
不難水中捉月爭拈得常獨行常獨步達者同遊
涅槃路誰占神清風自高貌悴骨剛人不顧窮釋
子口稱貧實是身貧道不貧則身常披緋褐道

即心藏無價珍無價珍用無盡利物應時終不吝
三身四智體中圓八解六通心地印上士一次一
切了中下多聞多不信但自懷中解垢衣誰能向
外誇精進從他謗任他非把火燒天從自疲我聞
恰似飲甘露銷融頓入不思議觀惡言是功德此
則成吾善知識不因訕謗起怨親何長無生慈忍
力宗亦通說亦通定慧圓明不滯空非但我今獨
達了河沙諸佛體皆同獅子吼無畏說百獸聞之
皆腦裂香象奔波末却威天龍寂聽生欣悅遊江
海涉山川尋師訪道為參禪自從認得曹溪路了

知生死不相干行亦禪坐亦禪語默動靜體安然
縱遇鋒刀常坦々饒他毒藥也閑々我師得見然
燈佛多劫曾為忍辱仙幾迴生幾迴死覺後悠々
無定止自從頓悟了無生於諸榮辱何憂喜入溪
山住蘭若岑峯幽邃長松下優游靜坐野僧家圓
寂安居實瀟灑覺即了不施功一切有為法不同
住相布施生天福猶如仰箭射虛空勢力盡箭還
墜招得來生不如意爭似無為實相門一起直入
如來地但得本莫愁末如淨琉璃含寶月既能解
此如意珠自利々他終不竭江月照松風吹永夜

清宵何所為佛性戒珠心地印霧露雲霞體上衣
降龍鉢解虎錫兩股金鐶鳴歷歷不是標形虛事
待如來寶杖親蹤跡不求真不斷妄了知二法空
無相無相無空無不空即是如來真實相心鏡明
鑒無礙朗然瑩徹周沙界萬象森羅影現中一顆
圓明非內外豁達空撥回果蔭日蕩日招殃禍棄
有著空痛亦然還如避溺而投水捨妄心取真理
取捨之心成巧偽學人不子用修行深成認賊將
為子損法財滅功德莫不由斯心意識是以禪門
了却心頓入無生知見力大丈夫秉慧劍般若鋒

分金剛燄非但能摧外道心早曾落却天魔膽震
法雷擊法鼓布慈雲兮洒甘露龍象蹴蹋潤無邊
法乘五性皆惺悟雲山肥膩更無雜純出醍醐我
常納一性圓通一切性一法徧含一切法一月普
現一切水一切水月一月攝諸佛法身入我性我
性還共如來合一地具足一切地非色非心非行
業彈指圓成八萬門剎那滅却阿鼻業一切數句
非數句與吾多覺何交涉不可毀不可諸體若虛
空勿涯岸不離當處常湛然覓則知君不可見取
不得捨不得不可得中只麼得默時說七時默大

施門開無壅塞有人問我解何宗報道摩訶般若
力或是或非人不識逆行順行天莫測吾早曾經
多劫修不是等閑相誑惑建法幢立宗旨明上佛
勅曹谿是第一迦葉首傳燈二十八代西天記歷
江海入此土菩提達磨為初祖六代傳衣天下聞
復人得道無窮數真不立妄本空有無俱遣不空
空二十空門元不著一性如來體共同心是根法
是塵兩種猶如鏡上痕垢盡除光始現心法變
亡性即真嗟末法惡時世衆生福薄難調制去聖
遠兮邪見深魔強法弱多怨害聞說如來頓教門

恨不滅除令瓦碎作在心殃在身不須怨訴更尤
人欲得不招無間業莫謗如來正法輪旃檀無雜
樹鬱密深沉師子住境靜人間獨自遊走獸飛禽
皆遠去師子兒衆隨後三歲即能大哮吼若是野
干遂法王百年妖怪虛開口圓頓教勿人情有疑
不決直須爭不是山僧逞人我修行恐落斷人坑
非不非是不是差之毫釐失之千里是即龍女頓
成佛非即善星生陷墜吾早年來積學問亦曾對
疏尋經論分別名相不知休入海筭沙徒自困却
被如來苦訶責教他珍寶有何益從來蹭蹬覺虛

行多年枉作風塵客種性邪錯知解不達如來圖
頓制二乘精進勿道心外道聰明無智慧亦愚癡
亦小駭空拳指上生實解執指為月枉施功根境
法中虛捏怪不見一法即如來方得名為觀自在
了即業障本來空未了還須償宿債飢逢王膳不
能餐病遇醫王爭得差在欲行禪知見力火中生
蓮終不壞勇施犯重悟無生早時成佛於今在師
子吼無畏說深嗟懵懂頑皮韃音折只知犯重障菩
提不見如來開秘訣有二比丘犯婬殺波離螢光
增罪結維摩大士頓除疑還同赫日銷霜雪不思

議解脫力此即成吾善知識四事供養敢辭勞萬
兩黃金亦銷得粉骨碎身未足酬一句了然超百
億法中王最高勝河沙如來同共證我今解此如
意珠信受之者皆相應了了見無一物亦無人亦
無佛大千世界海中漚一切聖賢如電拂假使鐵
輪項上旋定慧圓明終不失日可冷月可熱衆魔
不能壞真說象駕崢嶸漫進途誰見蟾蜍能拒轍
大象不遊於兔徑大悟不拘於小節莫將管見謗
蒼生未了吾今為君決

師有永嘉集撰者不收此
後來尊宿多謂此歇辭者

其真作

志徹呈六祖偈

徹本名張行昌江西人初北

行出家嘗問涅槃經常無常義

得問悟曰呈偈云云祖許可之

因守無常心佛說有常性不知方便者猶春池捨
礫我今不施功佛性而現前非師相授與我亦無
所得

本淨偈七首

披端曹谿之室隸司空山無相

論法各有偈答

遠法師問師以何為道

師答無心是道

遠辨義屈嘲師而相又請

師子相上說

無相師偈云

四大無主復如水遇曲逢直無彼此淨穢兩處不
生心壅決何曾有二意觸境但似水無心在世縱

橫有何事

志明禪師復躡前問若無心是道凡禪無心亦應是道又身心本來是道四生十類皆有身心亦應是道師曰大德若作見問覺知那會與通懸殊獨云

見聞覺知無障礙聲香味觸常三昧如鳥空中只麼飛無取無捨無憎愛若會應處本無心始得名為觀自在

真禪師問道既無心佛有心否是一是二師言不一不二又言佛道總是假名一假如何分二曰該無修無作偈曰

見道方修道不見復何修道性如虛空虛空何所修徧觀修道者撥火覓浮漚但看弄傀儡線斷一

時休

法空禪師問佛道既是假名十二分教亦應不寔何以從前尊宿皆言修道答偈曰

道體本無修不修自合道若起修道心此人不會道棄却一真性却入鬧浩上忽逢修道人第一莫

向道

安禪師問道既假名佛云妄立一切是妄以何為真所偈云

推真上無相窮妄上無形返觀推窮心知心亦假

名會道亦如此到頭亦只寧

達性禪師問既一切假名作此解時不可斷絕衆生善惡二根師偈云

善既從心生惡豈離心有善惡是外緣於心寔不

有捨惡送何處取善令誰人守傷嗟二見入攀緣

兩頭走若悟本無心始悔從前咎

又近臣問此身從何而來百
年之後復歸何處師偈云

視生如在夢裏實是鬧忽覺萬事休還同睡時
悟智者會悟夢迷人信夢開會夢如兩般一悟無
別悟富貴與貧賤更無分別路

應真答代宗偈

南陽慧忠國師弟子六祖旁
出之二世也忠將示寂辭代

宗曰告檀越造一無後塔帝曰就師取塔
樣忠良久曰會麼帝曰不會忠曰貧道去
後有待者應真知此事後詔真入內舉
問前話迷偈答焉後住吉州耽源

湘之南潭之北中有黃金充一國無影樹下合同

船琉璃殿上無知識

宗密偈一首

住終南圭峰六祖旁出之五世

寺咸歸慕之文宗嘗召內問法要朝士裴休人壽終後冥信何依師解其義疏平日偈云

作有義事是惺悟心作無義事是狂亂心狂亂隨

情念臨修被業牽惺悟不由情臨終不轉業

又有答復

禮真妄偈
墮澄觀下

辛籤十七偈頌之四

南嶽

唐音統籤卷

九百七十二

南嶽懷讓偈一首

諫姓杜氏金州人六祖傳法嫡嗣也住衡山般若寺

天寶初遷化謚大慧禪師付馬祖法偈曰

心地含諸種遇澤悉皆萌三昧華無相何壞復何

成

馬祖道一偈

得法子讓大師住江西之開元初六祖謂讓曰向後佛法從汝遷去出馬駒踏殺天下人後江西法嗣布

天下號馬祖馬貞元初示寂賜諡大寂禪師示

心地隨時說菩提亦祇寧事理俱無礙當生即不

生

南泉普願偈一首

有附顧以下九人並馬祖法嗣願得游戲三昧祖

稱其獨超物外貞元中慧錫池陽之南泉諸方尤推為郢匠長沙景岑久依南泉

投機呈偈云

今日還鄉入大門南泉親道遍乾坤法上分明皆

祖父回頭慚愧好兒孫

答云

今日投機事莫論南泉不道遍乾坤還鄉盡是兒

孫事祖父從來不入門

智常頌一首

住廬山歸宗寺因重睦用藥擦眼世號赤眼歸宗

歸宗事理絕日輪正當年自在如師子不與物依

恬獨步四山頂優游三大路欠去飛禽墜頻呻衆
邪怖機豎箭易及影沒手難覆施張若工伎裁剪
如尺度巧鏤萬般名歸宗還似土語嘿音聲絕音
妙情難措棄箇眼還瞞取箇耳還瞞一簇破三關
分明箭後路可憐大丈夫先天為心祖

法常荅鹽官和尚

常負元中居明州大梅山
鹽官和尚招之出荅偈曰

摧殘枯木倚寒林幾度逢春不變心樵客遇之猶
不顧郢人那得苦追尋

一池荷葉衣無盡數樹松花食有餘剛被世人知
住處又移茆舍入溪居

如滿答順宗問法偈

住五臺金閣寺後居洛京佛光順宗嘗問法問

其言大悅曰此蓋重釋宗

帝問

佛從何方來滅向何方去既言常生世佛今在何處

師答

佛向無為來滅向無為去法身等虛空常在無心處有念歸無念有住歸無住來為衆生來去為衆生去清淨真如海湛然體常住智者善思惟更勿生疑慮

帝又問

佛向王宮生滅向斐林滅住世四十九又言無法
說山河及大海天地及日月時至皆歸盡誰言不
生滅疑情猶若斯智者善分別

師答

佛體本無為迷情妄分別法身等虛空未曾有生
滅有緣佛出世無緣佛入滅處化衆生猶如水
中月非常亦非斷非生亦非滅生亦未曾生滅亦
未曾滅了見無心處自然無法說

紅螺和尚示門人頌

紅螺山
在惠州

紅螺山子近邊夷度得之流牛是奚共語問禱都
不會可憐只解那斯析

龍山和尚

龍山在潭州亦名隱山洞山訪作此偈因燒卷更入深山不見

三間茅屋從來住一道神光萬境閑莫作是非來

辨我浮生穿鑿不相關

鄧隱峰遺偈

峰出家冬居衡岳夏止清涼嘗張錫渡空顯神異之跡元和中

于金剛窟前
倒立而化

獨絃琴子為君彈松栢長青不怯寒金礦相和性
自別任向君前試取看

米嶺和尚遺偈

祖祖不思議不許常住世大衆審思惟畢竟只這
是

無了遺偈

住泉州
龜洋山

八十年來辨西東如今不要白頭翁非長非短非
大小還與諸人姓相同無來無去無住了却本
來自性空

希運答裴休偈

以下三人並馬祖下百丈法
嗣

宛陵迎居開元受法贈以詩有擬欲事師
為弟子不知將法付何人師答云云大中

中示化謚
斷除禪師

心如大海無邊際口吐蓮花養病身雖有一隻無

事手不曾抵益等閒人

普岸示衆偈

居天台平田禪院

大道虛曠常一真心善惡勿思神清物表隨緣飲

啄更復何為

神贊蜂子偈

初贊從本師出家行脚過百丈開悟一日本師在客下看經蜂

子投客紙求出師觀之曰世界如許廣濶不肯出鑽他故帝臨年去為偈云本師異之因請設法後居福州古灵寺

空門不肯出投憲也大癡百耳鑽故紙何日出頭

時

趙州從諗偈二十一首

附二首 以下三人並馬祖下南泉之法

嗣諗本姓郝曾州人住趙州觀音院趙
王延之住真際院立言布于天下壽百二
十歲叢林稱為老趙州焉僧問如何是
涅槃師云我耳重僧再問師云我不害耳
曰聲頌

騰大道者對面涅槃門但坐念無際來年春又
春

僧問生死二路是
同是別答頌曰

道人問生死若為論焚林一池水朗月耀乾
坤喚他句上識此是弄精魂欲會箇生死顛人說
夢春

僧問諸佛有難火燄裏藏身和
尚有難向什麼藏身答頌曰

渠說佛有難我說渠有災但看我避難何處有相
隨有無不是說去來去來為你說難法對面識
得來

凌行婆問浮杯盡力道不得底句分付向
誰師曰曰浮杯無刺語曰未出浮杯不妨疑
著師曰別有長處不不妨拈出婆歛手笑曰
蒼天中更添怨苦為師無語婆曰語不知偏
正理不識倒邪為師被這老要摧折一上
南泉曰苦哉浮杯被這老要摧折一上
婆後問哭曰王老師猶少機閑在澄一禪
客逢見行婆便問怎生是南泉就少機閑
在婆乃曰可悲可痛一因措婆曰會麼
一合掌而立婆曰彼死禪和如麻似粟一
舉似趙州曰富和尚怎生問他州便打一
癡一曰未富和尚怎生問他州便打一
為什麼却打某甲州曰似這夜死漢不打
更待幾時連打數棒婆聞却曰趙州合喫

娑手裏捧後傳舉似趙州。哭曰可悲可
痛。娑問此語合掌歎曰趙州眼光燦破四
天下州今僧問如何是趙州。眼婆乃
豎起拳頭。僧曰舉似趙州。州作偈曰
當機覩面提覩面當機疾報你凌行。娑哭聲何得
失。

婆以偈
答曰

哭聲師已曉已曉復誰知當時摩竭國幾喪日前
機。

十二時歌

雞鳴丑愁見起來還漏逗。裙子褊衫箇也無。袈裟
形相些。有棍無腰袴。無口頭上青炭三五斗。比

望修行利濟人誰知變作不唧溜

平旦寅荒村破院實難論解齋粥米全無粒空對
閑窓與隙塵唯雀噪勿人親獨坐時聞落葉頻誰
道出家憎愛斷思量不覺淚沾巾

日出卯清淨却翻為煩惱有為功德被塵慢無限
田地未曾掃攢眉多稱心少耐耐東村里黑黃老供
利不曾將得來放驢喫我堂前草

食時辰烟火徒勞望四鄰饅頭餛飩子前年別今日
思量空嚙津持念少嗟歎頻一百家中無善人來
者祇道覓茶喫不得茶噎去又嗔

禺中已削髮誰知到此無端被請作村僧屈辱
饑懷受欲死胡張三黑李四恭敬不曾生些子適
來忽爾到門頭唯道借茶兼借紙

日南午茶飯輪還無定度行却南家到北家果至
北家不推註苦沙藍大麥醋芻黍米飯蘆蒿荳唯
稱供養不尋閑和尚道心須堅固

日映耒耜回不踐光陰地曾聞一飽忘百飢今日
老僧身便是不習禪不論義鋪箇破蓆日裏睡想
料上方梵率天也無如此日炙背

晡時申也有燒香禮拜人五箇老婆三箇癭一隻

面子里皴。油麻茶實是珍金剛。不用苦張筋。願
我來年蠶麥熟。羅喉羅兒與一文。

日入西除却荒涼。更何守雲水高流定。委無歷寺
沙彌鎮常有出格言。不到口枉續年。尼子孫後一
條拄杖粗裨藜。不但登山兼打狗。

黃昏成獨坐。一間空暗室。陽燄燈光永不逢。眼前
純是金州漆。鍾不聞。虛度日。唯聞老鼠鬧。啾唧憑
何更得有心。情思量。念箇波羅蜜。

人定亥門前。明月誰人愛。向裏唯愁卧去時。勿箇
衣裳著甚。蓋劉維那趙五戒。口頭說甚。奇怪任。

你山僧囊罄空問着都緣總不會
半夜子心境何曾得暫止思量天下出家人似我
住持能有幾土榻床破蘆蓆老榆木枕全無被尊
像不燒安息香灰裏唯聞牛糞氣

為諸方見解異途者頌

趙州南石橋北觀音院裏有彌勒祖師遺下一隻
履直至如今覓不得

為起塔者頌

本自圓成何勞疊石名邀雕鏤與吾懸隔若人借
問終不指畫

魚鼓頌

四大猶來造化功有聲全貴裏頭空莫嫌不與凡
夫說只為宮商調不同

蓮花頌

奇異根苗帶雪鮮不知何代別西天淤泥深淺人
不識出水方知是白蓮

州時遊五臺有
大德作偈留曰

何處青山不道場何須策杖禮清涼雲中縱有金

毛現正眼觀時非吉祥

州云作麼生是
正眼大德無對

景岑偈十六首

湖南長沙招賢禪師居德定
所隨慈接物時謂之長沙和

尚 僧問同泰會和尚曰和尚見南泉後
如何會默然僧曰和尚未見南泉已前作
麼生會曰不可更別有也
僧曰舉似師示偈曰

百丈竿頭不動人雖然得入未為真百丈竿頭須
進步十方世界是金身

有客來謂師召尚書具人應諾
師曰不是尚書本命有偈曰

辛道之人不識真只為從來認識神無始劫來生
死本癡人喚作本來身

結月世奉問功齊何道
名證大涅槃示偈曰

摩訶般若照解脫甚深法身寂滅體三一理圓
常欲識功齊處此名常寂光

皓月供奉問古德云了即業障本來空未了應須償宿債只如師子尊者二祖大師為甚麼得償債去曰大德不識本來空月曰如何是本來空曰業障是曰如何是業障曰本來空是月無語以偈示之曰

假有元非有假滅亦非無涅槃償債義一性更無殊

因僧亡以手摩之曰大眾此僧却真實為諸人提綱商量會麼乃有偈曰

目前無一法當處亦無人蕩亡金剛體非妄亦非

真

又問亡僧向什麼處去答偈曰

不識金剛體却喚作緣生十方真寂滅誰在復誰

行

目臨濟云向園上有無位真人有偈云

萬法一如不用揀一如誰揀誰不揀即今生死本

菩提三世如來同箇眼

問蛇蚓斷為兩段兩頭俱動佛性在阿那頭師曰動與不動是何境界昔楞嚴云當知十方無邊不動虛空并其動搖地水火風均名六大性真圓融皆如來藏本無生滅示偈曰

最甚深最甚深法界人身便是心迷者迷心為衆

色悟時剎境是真心身界二塵無實相分明達此

號知音

目答誦陀羅尼曰真誦無響真聽無聞又
曰離色求觀非正見離聲求聽是邪聞示
偈

滿眼本非色滿耳本非聲文殊常觸目觀音塞耳
根會三元一體達四本同真堂上法界性無佛亦
無人

僧問和尚繼嗣何人曰我無人得繼嗣曰
還恭孝也無曰我自恭孝曰師意如何師
曰有偈

虛空問萬象萬象答虛空誰人親得聞木叉卯角

童

僧問色即是空上即是
色此理云何答偈云

礙處非牆壁通處沒虛空若人如是解心色本來同

問如何是佛性答偈云

佛性堂上顯現住相有情難見若悟衆生無我
面何殊佛面

問第六第七及第八識畢竟無體云何得名轉第八為大圓鏡智示偈云

七生依一滅一滅持七生一滅七亦滅六七亦無

遷

問如何轉得山河國土歸自己去師曰如何轉得自己成山河國土去示偈云

誰向山河轉山河轉向誰圓通無兩畔法性本無

歸

勸學偈

萬丈竿頭未得休堂々有路少人遊
禪師願達南泉去滿目青山萬々秋

誠人斫松竹

千年竹萬年松枝々葉々盡皆同為報四方玄學
者動手無非觸祖公

利蹤示衆偈

住衛州子湖岩自稱子湖一隻狗云

三十年來住子湖二時齋粥氣力麤無事上山行
一轉問汝時人會也無

閩南長老獲珠吟

名道常馬祖下齊安之法嗣

三界兮如幻六道兮如夢聖賢出世兮如電國土
猶如水上泡無常生滅日遷變唯有摩訶般若堅
猶若金剛不可讚輪似堯羅大等空小極微塵不
可見攬之令聚而不聚撥之令散而不散側身欲
聞而不聞瞪目觀之而不見訝復訝盤陀石上笑
呵々笑復笑青松影下高聲叫自從獲得此心珠
帝釋輪王俱不要不是山僧獨施為自古先賢作
此調不坐禪不修道任運逍遙只麼了但能萬法
不干懷無始何曾有生老

智通臨終偈

馬祖下歸宗常之
法嗣住五臺山

舉手攀南斗
迴身倚北辰
出頭天外看
誰是我般人

正原偈

馬祖下五洩
子住福州龜山

滄溟幾度變桑田
唯有虛空獨湛然
已到岸人休
變筏未曾渡者要須船

尋師認得本心源
兩岸俱玄一
不全是佛不須更
覓佛祇用如此便忘緣

蘇溪和尚穆護歌

亦五洩
法嗣

聽說衲僧牧護任
運逍遙無住一條百衲
餅盂便

是生涯調度為求至理參尋不憚寒暑辛苦還曾
四海周游山水風雲滿肚內除戒律精嚴不學威
儀行步三乘笑我無能我笑三乘謾做智人權立
階梯大道本無迷悟達者不假修治不在能言能
語披麻日視雲霄遮莫王侯不顧道人本體如然
不是知佛去處生也猶如著衫死也還同脫袴生
也無喜無憂八風豈能驚怖外相猶似癡人肚裏
非常峭措活計雖無一錢敢與君王鬪富愚人擺
手憎嫌智者點頭相許那知傀儡牽抽歌舞盡由
行主一言為報諸人打破画餅歸去

智具示衆偈

馬祖下懷暉法嗣開成居福州
龜山武宗澄汰隨衆白衣宣宗

中具不復
披剃歸寂

心本絕塵何用洗身中無病豈求醫欲知是佛非
身處明鑑高懸未照時

會昌中作三首

勅命如雷下翠微風前垂淚脫禪衣雲中有寺不
容住塵裏無家何處歸

明月分形處新白衣寧墜解空人誰言在俗妨
修道金粟曾為長者身

忍仙林下坐禪時曾被歌王割截支况我聖朝無

此事只令休道亦何悲

何中公幾和尚

懷惲法嗣 僧問如何是道如何是禪答偈云

有名非大道是非俱不禪欲識此中意黃葉止啼

錢

齊安和尚頌

馬祖下華嚴藏法嗣初居貴州後居鳳翔

猛熾燄中人有路旋風頂上屹然棲鎮常歷劫誰

差互果日無言運照齊

普化和尚

馬祖下盤山寶積法嗣於鎮州作狂振聲行化唯臨濟識之後示跡

入捨人獨視無覩惟聞聲聲清遠云一
日入臨濟院取生菜喫空中濟曰這漢大
似一頭驢即便作驢鳴濟謂
直歲曰細抹州判着師曰

少室人不識金陵又再來臨濟一隻眼到處為人開

志勤偈一首

馬祖下百丈之第二世居福州靈雲演教初依為山因觀花悟

道有偈云

三十年来尋劍客幾逢落葉幾抽枝自從一見桃花後直至如今更不疑

慧覺

住揚州光孝院號覺鐵嘴以下二人並趙州弟子馬祖下南泉之第二世

法眼因僧惠超問如何是佛眼曰汝是惠超僧於是悟入覺為頌曰

惠超問佛佛何遙機就機分答惠超到此直須揮

劍力不然漁父便

從朗偈一首

住婺州大陳歸寂有偈曰

三十年来住大陳時中無一假功成有人問我西來意展似眉毛作麼生

道吾和尚樂道歌

閩南道常弟子馬祖下之第三世凡上堂戴蓮花笠

披欄執箇擊鼓吹笛口稱普三郎神

樂道山僧繼性多天迴地轉任從他閑卧孤峯無伴侶獨唱無生一曲歌無生歌出世樂堪笑時人不著暢情樂道遇殘生張三李四渾忘却大丈夫須氣槩莫順人情無妨礙汝言順卽是菩提我謂從來自相背有時慙有時癡非我途中爭得知

時達一生常任運野客無鄉可得歸今日山僧只
這是元本山僧更若為授祖機空王子體似浮雲
勿隈倚自古長披一衲衣曾經幾度遭寒暑不是
真不是偽打鼓樂神施拜跪明一一道漢江雲青
山綠山不相似稟性成無措改結角羅紋不相礙
或運慈悲喜捨心或即迷人以捧闍慈悲恩愛落
牽纏棒打教伊破恩愛報乎月下旅中人若有思
情吾為改

一鉢歌

過喇、開聒、總是悠、造抹捱如飢喫鹽加得

渴枉却一生頭拚。究竟不能知。始末拋却死屍。
何處脫勸君努力。求解脫。閑事到頭須結。撮火落
身上。當須撥。莫待臨時叫菩薩。丈夫語話須豁。
莫學詩人受摩拚。起時結裏學擺撥。也學柔和也。
粗糲也。剃頭也。披褐也。學凡夫作生活。直語向君。
君未達。更作長歌歌一鉢。一鉢歌為中一一中多。
莫笑野人歌一鉢。曾將一鉢度娑婆。青天寥々月
初上。此時影空含萬象。幾處浮生自是非。一源清
淨無來往。更莫將心造水泡。百毛流血是誰教。不
如淨坐真如地。頂上從他鵲作巢。萬代金輪聖王。

子只這真如靈覺是菩提樹下度衆生度盡衆生
不生死不生生不死真丈夫無形無相大毘盧塵勞
滅盡真如在一顆圓明無價珠眼不見耳不聞不
見不聞真見聞從來一句無言說今日千言強為
分強為分須諦聽人曰盡有真如性恰似黃金在
鑪中鍊去鍊來金體浮真是妄曰是真若除真妄
更無人真心莫謾生煩惱衣食隨時養色身好也
著弱也著一切無心無染著亦無惡亦無好二際
坦然平等道粗也繁細也繁莫學凡夫相上觀也
無礙也無細上方者積無根蒂坐亦行曰亦坐生

死樹下菩提果亦無生亦無行無生何用覓無生
生亦得死亦得處。當來見彌勒亦無生亦無死
三世如來總如此離則著。則離幻化門中無實
義無可離無可著何處更求無病藥語時嘿。時
語。默縱橫無處所亦無語亦無默莫喚東西作
南北喚即喜。即喚我自降魔轉法輪亦無喚亦
無喜水不離波。即水慳時捨。時慳不離內外
及中間亦無慳亦無捨寂。寥。無可把苦時樂
樂時苦只遮修行斷門戶亦無苦亦無樂本來自
在無繩索垢即淨。即垢兩邊畢竟無前後亦無

垢亦無淨大千同一真如性藥是病是藥到頭
兩處須拈却亦無藥亦無病正是真如靈覺性魔
作佛作魔鏡裏尋形水上波亦無魔亦無佛三
世本來無一物凡是聖即凡色裏膠清水裏鹹
亦無凡亦無聖萬行總持無一行真中假中真
自是凡夫起妄塵亦無真亦無假若不喚時何應
咄本來無姓亦無名只麼騰信脚行有時廊市
并屠肆一朵紅蓮火上生也曾策杖遊京洛身似
浮雲無定著幻化由來似寄居他家觸處更清虛
若覓戒三毒瘡疾幾時差若覓禪我自縱橫因論

眼大可憐不是顛世間出世天中天時人不會此
中意打著南邊動北邊若覓法雞足山中問迦葉
大士持衣在此中本來不用求專甲若覓經法性
真源無可聽若覓律窮子不須教走出若覓修八
萬浮圖何處求只知黃葉止啼哭不覺黑雲遮日
頭莫怪狂言無次第節籊漸入粗中細只這粗中
細也無即是圓明真實諦本非真但是名聞即是
塵若向塵中解真實便是堂。出世入出世入莫
造作獨行獨步空索。無生無死無涅槃本來生
死不相干無是非無動靜莫謾將身入空并無善

惡無去來亦無明鏡掛高臺山僧見解只如此不信從他造却灰

羅漢和尚

住漳州南嶽第四世
南常禪師參下悟旨乃蜀欽曰
始於闍

咸通七載初參道到處逢言不識言心裏癡團若
栲栳三春不樂止林泉忽遇法王躋上坐便陳疑
惘惘向師前師從甑上那迦起袒膊當胸打一拳駭
散癡團猶狼落舉頭看見月初圓從茲澄々以碣
碣直至如今常快活只聞肚裏飽膨膨更不東西
去持鉢

又述
偈曰

字內為閑客人中作野僧任從它笑我隨處自騰

道巘

得法于慧覺和尚住溪州長慶禪院亦為祖之第三世也有偈曰

三界上下法我說皆是心離於諸心法更無有可得